

Javni poziv za dugoročno kreditno zaduživanje Srednjobosanskog kantona u 2026. godini

Bosna i Hercegovina

Federacija Bosne i Hercegovine

Srednjobosanski kanton/ Kanton Središnja Bosna

Ministarstvo finansija/financija

Broj: 04-11-5829-2/2026

Travnik, 14.08.2026. godine

Na osnovu člana 10. a. stav 1. tačka f) ZJN („Službeni glasnik BiH", broj 39/14 i 59/22), Odluke Vlade br. 01-11.7-4911/2025 od 08.05.2025. godine ("Službene novine SBK", broj: 07/25) i Odluke Ministrice finansija Srednjobosanskog kantona o pokretanju javnog poziva za dugoročno kreditno zaduživanje Srednjobosanskog kantona u 2026. godini, broj: **04-11-5829/2026 od 07.07.2026. godine**, Ministarstvo finansija Srednjobosanskog kantona, objavljuje

JAVNI POZIV za dugoročno kreditno zaduživanje Srednjobosanskog Kantona u 2026. godini

1. Ministarstvo finansija Srednjobosanskog kantona (u daljem tekstu: Ministarstvo) ima namjeru provesti postupak dugoročnog kreditnog zaduživanja Srednjobosanskog kantona u 2026. godini do iznosa **18.160.000,00 KM**, za potrebe finansiranja dijela kapitalnih projekata planiranih u Budžetu Srednjobosanskog kantona za 2026. godinu.
2. Opći uslovi koje banka mora ispuniti iz ovog javnog poziva, su:
 - a) da ponuđač u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;
 - b) da ponuđač nije pod stečajem ili da nije predmet stečajnog postupka, osim u slučaju postojanja važeće odluke o potvrdi stečajnog plana ili da nije predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;
 - c) da je ponuđač ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;
 - d) da je ponuđač ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;
 - e) ponuđači moraju biti registrovani za obavljanje djelatnosti koja je predmet javnog poziva.
3. Opis predmeta javnog poziva:

Predmet ovog javnog poziva je dugoročno kreditno zaduživanje Srednjobosanskog kantona kod banaka, za potrebe realizacije finansiranja dijela kapitalnih projekata planiranih u Budžetu Srednjobosanskog kantona za 2026. godinu, u iznosu do 18.160.000,00 KM sa fiksnom kamatnom stopom na godišnjem nivou i jednokratnom naknadom na iznos odobrenog kredita, uz rok otplate od 10 (deset) godina uključujući grace period od jedne godine i mjenicama kao instrumentom obezbjeđenja.
4. Kvalifikovanost banaka za dugoročno kreditno zaduživanje iz tačke 1. ovog javnog poziva izvršit će se na osnovu sljedećih kriterija:

- a) *visina kamatne stope i naknade do 4,0% (EKS);*
- b) *vrsta kamatne stope- fiksna;*
- c) *rok otplate kredita minimalno 10 (deset) godina uključujući grace period od jedne godine;*

Rang lista će biti sastavljena prema rastućem redosljedu efektivne kamatne stope, pri čemu će banka sa najnižom efektivnom kamatnom stopom biti rangirana na prvom mjestu.

U slučaju da dvije ili više banaka dostave ponudu sa jednakom visinom kamatne stope i naknade do 4,0% (EKS), prednost će se dati banci sa većim ponuđenim iznosom.

5. Dodjela ugovora

Ugovori će se dodjeljivati kvalificiranim bankama koje su ispunile uslove iz tačke 2. i kriterije iz tačke 4., a u skladu sa rang listom iz tačke 4. ovog javnog poziva.

Kreditno zaduženje će se koristiti za finansiranje dijela kapitalnih projekata koji su planirani u Budžetu Srednjobosanskog kantona za 2026. godinu i koji su sastavni dio ovog javnog poziva. Pojedinačni projekti će se ugovoriti sa odabranim bankama.

6. Zainteresovane banke, trebaju dostaviti slijedeću dokumentaciju:

- a) *Obrazac ponude (PRILOG OBRAZAC I.),*
- b) *Izjava (PRILOG OBRAZAC II),*

Ponudač može uz svoju ponudu i Izjavu, (PRILOG OBRAZAC I i II), odmah dostaviti i tražene dokaze iz tačke 2. od a) do d). Ovim se ponudač oslobađa obaveze naknadnog dostavljanja dokaza ako bude izabran. Dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od dana predaje ponude, a dostavlja ih izabrani ponudač u roku ne dužem od 5 (pet) dana od dana prijema odluke o izboru ponuđača. Dokazi moraju biti fizički dostavljeni na Protokol Srednjobosanskog kantona najkasnije peti dan po prijemu odluke o izboru, a najkasnije do 16 sati.

Ponudač kojem bude dodijeljen ugovor obavezan je da dostavi slijedeće dokumente kojima će potvrditi vjerodostojnost date izjave iz tačke 6. b):

- uvjerenje nadležnog suda (prema sjedištu pravnog lica) kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- potvrdu od Suda Bosne i Hercegovine kojom dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- uvjerenje nadležnog suda ili organa uprave kod kojeg je registrovan ponudač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- uvjerenje izdato od strane nadležnih institucija kojim se potvrđuje daje ponudač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- uvjerenje izdato od strane nadležnih institucija kojim se potvrđuje daje ponudač izmirio dospjele obaveze u vezi sa plaćanjem direktnih i indirektnih poreza.

Kao dokaz o ispunjavanju uslova iz tačke c) i d) Ministarstvo prihvata i sporazum ponuđača sa nadležnim poreskim institucijama o reprogramiranom, odnosno odloženom plaćanju obaveza, uz

dostavljanje potvrde od strane poreskih organa da ponuđač u predviđenoj dinamici izmiruje svoje reprogramirane obaveze.

c) Kao dokaz o ispunjavanju uslova iz tačke 2. e) ponuđač treba dostaviti:

dokaz o registraciji u odgovarajućem profesionalnom ili drugom registru u zemlji u kojoj su registraovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom javnog poziva. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.

- dozvola za rad izdata od strane Agencije za bankarstvo. Dokazi koji se dostavljaju moraju biti originali ili ovjerene kopije.

d) Ponuđač je dužan dostaviti kopiju ID i PDV broja,

e) nacrt ugovora (popunjen i potpisan),

Obrazac - ponude iz tačke 6. a) ovog javnog poziva, Obrazac - Izjava iz tačke 6. b) i nacrt ugovora tačke e) su sastavni dio dokumentacije koju banka preuzima na web stanici Ministarstva radi prijave za učešće banke iz ovog javnog poziva.

f) Preliminarni otplatni plan u skladu sa dostavljenom ponudom.

7. Kalkulativni datumi za izradu ponude

Ponuđač za izradu svoje ponude može koristiti sljedeće kalkulativne datume:

- Datum plasiranja kredita je 01.10.2026. godine
- Datum prvog obračuna kamate je 01.01.2027. godine
- Datum isteka grace perioda je 01.10.2027. godine
- Datum dospeljeća prve otplate glavnice kredita je 01.01.2028. godine

Otplata kamate u grace periodu je kvartalno unazad. Po isteku grace perioda otplata dospeljelih obaveza vršit će se kvartalno unazad.

Kod obračuna kamate primjenjuje se jednostavna metoda na bazi 365 dana.

Zainteresovani ponuđači mogu tražiti pojašnjenje ovog javnog poziva od Ministarstva putem e-maila, i to blagovremeno, a najkasnije 10 (deset) dana prije isteka roka za podnošenje ponude.

Ministarstvo će pripremiti odgovor na postavljeno pitanje u pisanoj formi u roku ne ranijem od 3 (tri) dana, a najkasnije 5 (pet) dana prije isteka roka za dostavljanje ponuda.

8. Rok i način dostavljanja prijave za učešće

Prijava/ponuda za učešće zajedno sa pratećom dokumentacijom dostavlja se najkasnije do 02.09.2026. godine do 12h.

Ponude važe 90 dana od dana otvaranja ponuda.

Prijava/ponuda za učešće dostavlja se u zatvorenoj i zapečaćenoj koverti na adresu:

Protokol Ministarstva finansija/financija
Vezirska 62., 72270 Travnik

Na koverti obavezno naznačiti: „**Za Ministarstvo finansija Srednjobosanskog kantona - Prijava na Javni poziv dugoročnog kreditnog zaduživanja Srednjobosanskog kantona u 2026. godini**“ - „**NE OTVARATI**“- Prijave/ponude za učešće koje budu dostavljene nakon navedenog roka neće biti razmatrane. Dokumentacija za prijavu, uključujući i nacрте ugovora koji se zaključuju između Ministarstva i banaka, banke mogu preuzeti na WEB stranici Ministarstvu finansija Srednjobosanskog kantona. Otvaranje ponuda će se održati 10.09.2026. godine u 13,00 sati, u prostorijama Ministarstva finansija Srednjobosanskog kantona, ul. Vezirska 62. Travnik. Ponuđači ili njihovi ovlašteni predstavnici, kao i sva druga zainteresovana lica mogu prisustvovati otvaranju ponuda

Obavijest o rezultatima izbora dostavit će se svim bankama koje su dostavile prijavu/ponudu za učešće.

Osobe ovlaštene za davanje informacija u vezi s ovim javnim pozivom:

Upite postavljati na sve dole navedene adrese:

Mirjana Martinović, e-mail: mirjana.martinovic@sbk-ksb.gov.ba

Ivana Pavlović e-mail: ivana.pavlovic@sbk-ksb.gov.ba

Emir Delilović, e-mail: emir.delilovic@sbk-ksb.gov.ba

Ivana Smoljo, e-mail: ivana.smoljo@sbk-ksb.gov.ba



MINISTRICA:

Mirjana Plavčić